

TEZAUUR LITURGIC
2 OCTOMBRIE

ACATISTUL
SF.CUVIOASE
ANA
DE LA KAȘIN



MOSCOVA, 2000



Акафист

святой благоверной княгине преподобной Анне Кашинской

Конда́к 1

Избра́нней и предивней уго́днице Христо́ве,
ско́рой помо́щнице и моли́твеннице на́шей,
похва́льная воспева́ем ти́, о нас пред Христо́м
Бо́гом предста́тельнице. Ты́ же, я́ко иму́щая
ве́лие дерзнове́ние ко Го́споду, моли́ся, да
изба́вит от бе́д и скорбе́й ны́, зову́щия:

Ра́дуйся, свята́я благове́рная княги́не,
преподо́бная ма́ти А́нно.

И́кос 1

А́нгелов Творе́ц честну́ю о́трасль
благочести́ваго ко́рене благове́рных Росси́йских
князе́й избра́ ты во о́браз все́м, сия́ющую ве́рою,
любо́вию, чистото́ю, да все́, зря́ще твоё
богоуго́дное жити́е, со благоговéнием и
ра́достью глаго́лем ти́ си́це:

Ра́дуйся, я́ко от младе́нства благода́ти Бо́жия
испо́лнилася еси́;

ра́дуйся, я́ко в жити́и тво́ем добродѣ́тельми
мно́гими просвети́лася еси́.

Ра́дуйся, пра́вило ве́ры и благоче́стия;

ра́дуйся, о́бразе крото́сти и смире́ния.

Ра́дуйся, свети́ло любве́ и воздержа́ния;

ра́дуйся, даро́в Свята́го Ду́ха честное́
вмести́лище.

Ра́дуйся, ско́рбных утеше́ние;

ра́дуйся, княги́нь и иноки́нь Росси́йских
похва́ление.

Ра́дуйся, живу́щих в ми́ре ти́хое приста́нище;

ра́дуйся, благоче́стивых роди́телей утеше́ние.

Ра́дуйся, градо́в Тве́ри и Ка́шина и всея́ земли́
на́ша украше́ние;

ра́дуйся, ны́не с ли́ки а́нгельскими на небесе́х
Влады́це все́х предстоя́щая.

Ра́дуйся, свята́я благове́рная княги́не,
преподо́бная ма́ти А́нно.

Конда́к 2

Прови́дев Госпо́дь ангелоподо́бное жити́е
тво́е, я́ко свято́е и́мя Его́ просла́виши и, я́коже
запове́да святы́й апо́стол, бди́тельна,

святоле́пна, цело́му́дрена, здра́ва ве́рою, лю́бовию и терпе́нием пребу́деши, от ю́ности твоея́ призва́ тя пе́ти Е́му: Аллилу́иа.

И́кос 2

Ра́зум небе́сный тебё́ дарова́ся, богоизбра́нная отрокови́це, непреста́нно помышля́ти о небе́сных в боголю́бивем кро́ве благове́рных роди́телей твои́х. Сего́ ра́ди приими́ от нас похва́лы сия́:

Ра́дуйся, роди́телей благочести́вых пло́д благослове́нный бы́вшая;

ра́дуйся, добродётели и благоче́стие их унасле́довавшая.

Ра́дуйся, благоче́стию и моли́тве от них научённая;

ра́дуйся, чтёнию Божё́ственных Писа́ний навы́кшая.

Ра́дуйся, жити́я святы́х и поучёния их возлю́бившая;

ра́дуйся, от святите́лей ростовских научёние прии́мшая.

Ра́дуйся, с роди́тели твои́ми благослове́нию и наставле́нию иере́ев Госпо́дних при́сно внима́вшая;

ра́дуйся, а́ки кринъ благовѣ́нный во О́течествѣ
твоѣ́м процвѣ́тшая.

Ра́дуйся, от мла́дыхъ ногтѣ́й твои́хъ стра́хъ
Бо́жий имѣ́вшая;

ра́дуйся, от ю́ности твоея́ го́рняя
му́дрствовавшая.

Ра́дуйся, си́мъ пу́ть спасѣ́ния на́м показавшая;
ра́дуйся, непоколебимое на Го́спода Иису́са
упова́ние неизме́нно сохра́ншая.

Ра́дуйся, свята́я благове́рная княги́не,
преподо́бная ма́ти А́нно.

Конда́к 3

Си́ла Вы́шняго от ю́ности Твоея́ вои́стину
осеня́ше тя, и храня́ше, и возбужда́ше на
моли́твы, поще́ние и милосе́рдие, во е́же
благоче́стивымъ пре́дкомъ твои́мъ подража́ти и
Го́сподеви воспева́ти: Аллилу́иа.

И́кос 3

Иму́щи благоче́стивыя роди́тели, прилежа́ла
еси́ богоуго́дному жити́ю, благода́тию Бо́жиею
во вся́чемъ де́ле бла́зе всегда́ подкрепля́ема су́щи.
Те́мже дивя́щеся таковому́ от ю́ности твоея́
раче́нию, со умиле́ниемъ зове́мъ ти:

Ра́дуйся, я́ко Госпо́дь Бо́г благоизво́ли от
ю́ности освя́тити тя́;

ра́дуйся, я́ко Богáтый ми́лостью обогaтíть тя́
благодáтию Своёю.

Ра́дуйся, я́ко Госпо́дь испóлни тя́ стра́ха
Бо́жия, премудрости и ра́зума;

ра́дуйся, я́ко от младе́нчества Го́сподеви
прилепи́лася еси́.

Ра́дуйся, я́ко со стра́хом Бо́жиим и усер́дием
хра́му Бо́жию и служба́м церко́вным прісно
прилежа́ла еси́;

ра́дуйся, я́ко и в до́ме неусы́пно пра́вило
моли́твенное исправля́ла еси́.

Ра́дуйся, я́ко вся́кое де́ло твоё́ с моли́твою
сопряга́шеся;

ра́дуйся, я́ко тру́д тво́й благодарéнием Бо́гу
скончава́шеся.

Ра́дуйся, чистоты́ душе́вныя и телёсныя
храни́тельнице;

ра́дуйся, неуста́нным благотворéнием и
ми́лостынями ве́рным ско́рая помо́щнице.

Ра́дуйся, де́вам чи́стым премудра́я
устроите́льнице;

ра́дуйся, ча́дом на́шим до́брая учи́тельница.

Ра́дуйся, свята́я благове́рная княги́не,
преподо́бная ма́ти А́нно.

Конда́к 4

Бу́ря бе́д и напа́стей утесня́ше тогда́
Оте́чество на́ше и ве́ру правосла́вную, и вси́
бе́дствоваху от наше́ствия иноплеме́нник и
междоусо́бныя бра́ни. Ты́ же, ю́нице, се́рдцем
чи́стая, во уедине́нии су́щи, излива́ла еси́ в
моли́тве пред Го́сподем ду́шу твою́, а́нгельскую
пе́снь вопи́юще: Аллилу́иа.

И́кос 4

Слы́шавши боголю́бивая княги́ня Ксе́ния,
ма́ти свята́го кня́зя Тверска́го Михай́ла, о
благоче́стии твоём, княги́не А́нно, рече́ послóм
свои́м: слы́шах, я́ко е́сть у Ростóвскаго кня́зя
дщи́ зело́ добродете́льна, премудра́ же и
прекрасна́; сию́ у́бо, Бо́жиим изволе́нием,
ви́дети жела́ю в супру́жестве за сы́ном мои́м. И
а́бие по благода́ти Бо́жией испо́лнися жела́ние
се́рдца ея́, да тобо́ю Бо́г просла́вится и да вси́
воспева́ют тебе́:

Ра́дуйся, неве́сто, про́мыслом Бо́жиим
предука́занная;

ра́дуйся, голу́бице чи́стая и непоро́чная
се́рдцем.

Ра́дуйся, му́драя ева́нгельская де́во, во све́те
ве́ры и де́л благи́х ходи́вшая;

ра́дуйся, я́ко невозврати́мым пу́тем по
за́поведем Влады́ки твоего́ шествовала еси́.

Ра́дуйся, я́ко за пресла́вныя добродётели твоя́
вни́ти в черто́г Царя́ Небе́снаго сподо́билася еси́;

ра́дуйся, все́м жена́м росси́йским похвало́ и
утвержде́ние.

Ра́дуйся, чистото́ю твоёю все́м родо́м твёрдое
науче́ние;

ра́дуйся, я́ко согла́сие супру́гом, по моли́твам
к тебе́, подава́ла еси́.

Ра́дуйся, неиспове́димыми судьба́ми
Бо́жиими от Него́ просла́вленная;

ра́дуйся, но́вая чудеса́ и зна́мения мно́га
чту́щим тя яви́вшая.

Ра́дуйся, я́ко царя́ боговенча́ннаго и о́трасли
до́ма его́ на поклонёние мо́щем твои́м подвигла
еси́;

ра́дуйся, я́ко и сердца́ ве́рных к почита́нию и
воспросла́влению твоему́ привле́кла еси́.

Ра́дуйся, свя́тая благове́рная княги́не,
преподо́бная ма́ти А́нно.

Конда́к 5

Я́ко све́тлая звезда́, богому́драя невесто́,
при́сными твои́ми сопровожда́ема, с вели́кою
сла́вою во гра́д Тве́рь во хра́м Спа́са на́шего,
прибыла́ еси́, кня́зи же и наро́ди, велеле́пно
срета́юще тя́, ра́довахуся о тебе́, вопи́юще Бо́гу:
Аллилу́иа.

И́кос 5

Ви́девше тя́ вельмо́жи, кли́рики и мирсти́и
лю́дие богоспаса́емаго гра́да Тве́ри, на бра́к
честны́й с возлю́бленным кня́зем их Михаи́лом
прите́кшую, изыдо́ша в срéтение твоё и вопия́ху
ти́, глаго́люще:

Ра́дуйся, от Лива́на невесто́, во о́браз
едине́ния Христа́ и Це́ркве, сочета́тися бра́ком
со кня́зем на́шим гряду́щая;

ра́дуйся, чи́стая голу́бице, прише́ствием
твои́м ми́р с Бо́гом и в челове́цах благоволе́ние
зна́менующая.

Ра́дуйся, от Бо́га кня́зю на́шему в де́лах
управле́ния помо́щнице угото́ванная;

ра́дуйся, за невинны́я и лю́те стра́ждущия
ходата́ице, про́мыслом Бо́жиим предука́занная.

Ра́дуйся, о ну́ждах и потре́бах на́ших пещи́ся
от Бо́га поста́вленная;

ра́дуйся, сокрови́ще ма́терняго попече́ния, от
Го́спода на́м да́нное.

Ра́дуйся, свети́ло милосе́рдия, над гра́дом
на́шим восходя́щее;

ра́дуйся, звездо́ у́тренняя, при́сно ра́дость
на́м возвеща́ющая.

Ра́дуйся, о́блаче всесве́тлый, до́ждь любве́ и
по́мощи все́м досто́йным твоего́ заступле́ния
иска́пати обеща́й;

ра́дуйся, во о́браз жена́м христиа́нским
свы́ше прона́рече́нная.

Ра́дуйся, вдови́цам и си́рым покрóве,
прови́дением по́сланный;

ра́дуйся, ю́ным де́вам и жена́м прибе́жище и
укреплéние.

Ра́дуйся, свята́я благове́рная княги́не,
преподóбная ма́ти А́нно.

Кондак 6

Пропове́дуют о богоу́годном жити́и тво́ем,
блаже́нная ма́ти, в супру́жестве и княже́нии,
добродете́ли твоя́: ве́лие благоче́стие,
смиреному́дрие, ми́лосе́рдие, и́стинная
ма́терняя люба́ ко все́м, пою́щим о тебе́ Бо́гу:
Аллилу́иа.

И́кос 6

Воссия́ богоу́годное жити́е тво́е, я́ко кра́сная
за́ря, призыва́ющая все́х на богоугожде́ние и на
де́лание сво́е со усе́рдием, да все́и после́дующе ти́
зову́т:

Ра́дуйся, со кня́зем, супру́гом твои́м, во
вся́ком благоче́стии и чистоте́ пожи́вшая;

ра́дуйся, и ча́да твоя́ во стра́се Бо́жии
воспита́вшая.

Ра́дуйся, Це́ркви Бо́жией благоде́явшая и
благоле́пие хра́мов Бо́жиих любя́вшая;

ра́дуйся, и по кончи́не тво́ей любо́вь мно́гу ко
хра́мом Бо́жиим в душа́х гра́ждан боголюба́вых
возжигав́шая.

Ра́дуйся, я́ко от вся́каго недуга́ прибега́ющих
с ве́рою к тебе́ исцеля́еши;

ра́дуйся, я́ко от лю́таго насѣ́лїя дїа́вольскаго
моля́щїяся к тебѣ́ изыма́еши.

Ра́дуйся, прѣ́сно вся́кое попече́ние о бла́зе
владо́мых имѣ́вшая;

ра́дуйся, в ско́рбех и страда́нїих несча́стным,
сы́рым и бе́дным, помо́щнице те́плая.

Ра́дуйся, больны́х целі́тельнице ско́рая и
чу́дная;

ра́дуйся, и́щущим пу́ти ко спасе́нїю
наста́внице благода́тная.

Ра́дуйся, я́ко по преста́влєнїи твоѣ́м
сподо́билася еси́ от Бо́га дара́ чудотворе́нїй;

ра́дуйся, полкі́ инопле́менных мо́лєніем
твои́м от гра́да Ка́шина отгна́вшая.

Ра́дуйся, свѣта́я благове́рная княгі́не,
преподо́бная ма́ти А́нно.

Конда́к 7

Хотя́ Госпо́дь и́стинное благоче́стїе твоѣ́
явѣ́ти и в терпе́нїи тя́ укрепі́ти, ско́рби мно́зи
попусти́ на тя́, да просвети́шися, я́коже зла́то в
горни́ле, и да поѣ́ши Бо́гу: Аллилу́иа.

И́кос 7

Но́ваго страстоте́рпца яви́ Госпо́дь, супру́га твоего́ благове́рнаго кня́зя Михаи́ла, ему́же сострада́ючи венце́м от Бо́га венча́лася еси́, благове́рная княги́не, да прославля́юще просла́вльшаго тя́ Го́спода, поём си́це:

Ра́дуйся, пра́ведная А́нно, нося́щая ду́х сокруше́н к Си́льному и Бо́гу ра́зумов;

ра́дуйся, мно́гия ско́рби и бе́ды претерпе́вшая.

Ра́дуйся, моли́твою вся́ побежда́вшая;

ра́дуйся, терпе́нием и упова́нием супру́га твоего́ утеша́вшая.

Ра́дуйся, от еди́наго Го́спода по́мощи ожида́вшая;

ра́дуйся, к Нему́ ми́лостивому с го́рькими слеза́ми припа́давшая.

Ра́дуйся, от Го́спода я́коже зла́то в горни́ле скорбе́й очище́нная;

ра́дуйся, я́коже ка́мень драгий чистото́ю сия́ющая.

Ра́дуйся, виногра́де, из точи́ла принося́й вино́ благово́нное;

ра́дуйся, ма́нно, пита́ющая и усажда́ющая
всѣх тре́бующих.

Ра́дуйся, исто́чнице ра́зума, от Бо́га ра́зумов
вся́ напая́яй;

ра́дуйся, росó, ороша́ющая и оживля́ющая
страну́ твою́, от наше́ствия иноплеме́нных
пострада́вшую.

Ра́дуйся, свята́я благове́рная княги́не,
преподóбная ма́ти А́нно.

Конда́к 8

Стра́нник в неве́рней стране́ яви́ся,
благове́рный супру́г тво́й, всеблаже́нная А́нно,
егда́ за́вистию и клевето́ю сродни́к сво́их к
безбо́жному царю́ орды́нскому приведе́н бы́сть.
Ты́ же ско́рбь се́рдца твоего́ покрыва́ючи,
и́злиха вопия́ла еси́ Бо́гу: Аллилу́иа.

И́кос 8

Ве́сь еси́ жела́ние моё, ве́сь сла́дость
Сладча́йший Иису́се! Си́це моля́щеся Михаи́л,
кня́зь христолю́бивый, и та́ко глаго́лаше: а́ще
Бо́г соизво́лит, хо́щю ити́ са́м во Орду́ ко
беззакóнному царю́, хо́щю са́м да́ти отве́т и ду́шу
мою́ положи́ти за о́вцы ста́да Христо́ва по сло́ву
Его́. Ты́ же, супру́жнице кня́зя благоче́стиваго,

вдохновлённая благодатью свыше, рекла́ еси́
ему́: поистине блаже́н бу́деши во вся́ роды. Сего́
ра́ди вси́ приглаша́ху ти́ си́це:

Ра́дуйся, блаже́нная ма́ти в же́нском естестве́
му́жескую кре́пость имев́шая;

ра́дуйся, долготерпели́вно упова́нием на
Го́спода укрепля́вшаяся.

Ра́дуйся, глаго́лавшая кня́зю: Госпо́дь бу́дет
тво́й помо́щник;

ра́дуйся, ре́кшая ему́: за Го́спода пострада́в,
поистине блаже́н бу́деши.

Ра́дуйся, я́ко и сама́ уготовля́лася еси́
пострада́ти за Спа́са Христа́;

ра́дуйся, спострада́вшая супру́гу твоему́ в
ско́рби мно́зе.

Ра́дуйся, а́ще и не плоти́ю, о́баче се́рдцем за
Христа́ страда́вшая;

ра́дуйся, то́кмо постом, моли́твою и
благодатью Бо́жиею подкрепля́вшаяся.

Ра́дуйся, во́плем кре́пким ко Го́споду
взыва́вшая;

ра́дуйся, глаго́лавшая: изми́ нас, Го́споди, от
челове́к лука́вых и от мужей непра́ведных,
ополча́вших бра́ни, изба́ви нас.

Ра́дуйся, супру́га твоего́ презре́ти сла́ву и всю
сла́дость ми́ра сего́ тле́ннаго увеща́вавшая;

ра́дуйся, и на́м крѣ́пкое упова́ние подаю́щая.

Ра́дуйся, свята́я благове́рная княги́не,
преподо́бная ма́ти А́нно.

Конда́к 9

Все́ се́рдце Твое́ содрогну́ся, богому́драя, егда́
ве́стник печа́льную ве́сть принесе́, я́ко
благове́рный супру́г тво́й Михаи́л во мно́зех
страда́ниях сме́рть му́ченическую претерпе́, и
а́бие в ско́рби ве́лией, прекло́ныши коле́на, ко
Отцу́ Небе́сному, возстена́ла еси́: бу́ди во́ля Твоя́.
А́нгели же, вознося́ще ду́шу блаже́ннаго на Не́бо,
по́яху: Аллилу́иа.

И́кос 9

Ветии́ многовеща́ннии не возмо́гут изрещи́
ско́рби твоя́ и крѣ́пость любве́ твоея́, егда́ со
ча́ды твоими́ текла́ еси́ во срѣ́тение мо́щей
блаже́ннаго кня́зя, супру́га твоего́. Те́мже и мы́,
ублажа́юще бо́лезни се́рдца твоего́, глаго́лем
си́це:

Ра́дуйся, о́гненное искуше́ние Го́спода ра́ди
пре́терпéвшая;

ра́дуйся, приобщи́тися страсте́м Христо́вым
удосто́ившаяся.

Ра́дуйся, с ве́рою и любо́вию понéсшая крэ́ст
тво́й и Христу́ послёдова́вшая;

ра́дуйся, преле́сти ми́ра сего́ спасе́ния ра́ди
презрэ́вшая.

Ра́дуйся, я́ко и во явле́нии Сла́вы Его́
возра́дуеши́ся и восторжеству́еши;

ра́дуйся, в беда́х и ско́рбных обстоя́ниях
помощи́це на́м ско́рая.

Ра́дуйся, я́ко и сама́ в жити́и твоём Христа́
ра́ди многоско́рбна была́ еси́;

ра́дуйся, ду́ш смяте́нных
умиротвори́тельнице ти́хая.

Ра́дуйся, уныва́ющим утёшительнице дивная;

ра́дуйся, недоумева́ющим сове́тнице му́драя.

Ра́дуйся, призыва́ющим тя́ моли́твеннице
те́плая;

ра́дуйся, с ве́рою и упова́нием умира́ющим
пору́чнице кре́пкая.

Ра́дуйся, свята́я благове́рная княги́не,
преподо́бная ма́ти А́нно.

Конда́к 10

Спаси́тельнаго по́двига и́щущи, блаже́нная
многоско́рбная княги́не А́нно, те́плыми
моли́твами непреста́нно Бо́га моля́ще, да не
лиши́т ю́ достоя́ния святы́х и насле́дия
Небе́снаго Своего́ Ца́рствия, пою́щую Бо́гу:
Аллилу́иа.

И́кос 10

Стена́ неруши́мая, приста́нище и
предста́тельство к тебе́ прибега́ющих была́ еси́,
блаже́нная, утеше́ние же и весе́лие. Сего́ ра́ди
зове́м ти́:

Ра́дуйся, и во вдовстве́ бы́вшая
прави́тельнице му́драя, О́льзе святе́й подо́бная и
милосе́рдная;

ра́дуйся, ча́да твоя́ во стра́се Бо́жием
содержа́вшая.

Ра́дуйся, ходи́ти в за́поведех Госпо́дних и
явля́ти ко все́м ми́лость поуча́вшая;

ра́дуйся, блаже́нная, ни́щия пита́вшая и
убо́гия призи́равшая.

Ра́дуйся, стра́нныя в до́м тво́й вводи́ти
повелева́вшая, пи́щу и оде́жду им подава́вшая;

ра́дуйся, си́рья и вдови́цы заступа́вшая и
всём прося́щим по́моци помога́вшая.

Ра́дуйся, мно́го душе́ю за ча́да твоя́
поболё́вшая;

ра́дуйся, супру́жнице до́бляя.

Ра́дуйся, ино́ческое стро́гое жити́е во
вдовствé проводи́вшая;

ра́дуйся, печа́лями земны́ми угнетённым ми́р
вёчный раскры́вающая.

Ра́дуйся, у Распя́того на Кресте́ за ны́,
гре́шныя, ми́ра и тишины́ непреста́нно
проси́вшая;

ра́дуйся, в ны́нешнем жити́и всём
помощнице тёплая.

Ра́дуйся, свята́я благове́рная княги́не,
преподо́бная ма́ти А́нно.

Конда́к 11

Пе́ние и моли́твы непреста́нныя возноси́ти
Бо́гу хотя́щи, блаже́нная, пришла́ еси́ во оби́тель
деви́чу и та́мо, с вели́ким смире́нием моля́щися,
повеле́ла еси́ себе́ постри́щи во А́нгельский чи́н,

и тако, помістю Всеви́шняго Бо́га, в ма́ле
вре́мени превзошла́ еси́ добродѣтельми́ вся
бывша́я та́мо по́стницы, пою́щи Го́сподеви:
Аллилу́иа.

И́кос 11

Светопода́тельный свети́льник была́ еси́,
богоблаже́нная: кня́зи бо, княги́ни, ча́да твоя́ и
вся́ благоче́стно живу́щая во гра́дех Тве́ри и
Ка́шине, оби́тель твою́ посеща́вшия,
непреста́нно поуча́ла еси́ Бо́га боя́ться, Тому́
всегда́ уго́дная твори́ти и жи́ти в любви́ дру́г ко
дру́гу. Сего́ ра́ди вси́ прославля́ху тя́ си́це:

Ра́дуйся, мирскія суе́ты отреші́вшаяся;
ра́дуйся, Небе́снаго Оте́чества возжела́вшая.
Ра́дуйся, Христа́ все́м се́рдцем возлюбі́вшая;
ра́дуйся, к подно́жию но́г Его́ при́сно
припа́давшая.

Ра́дуйся, вели́ким а́нгельским о́бразом
укра́сившаяся;
ра́дуйся, на і́ноческія по́двиги и бо́рения
устремі́вшаяся.

Ра́дуйся, і́ноческому послуша́нию всеце́ло
преда́вшаяся;

ра́дуйся, всю́ себе́ в же́ртву непоро́чную
прине́сшая.

Ра́дуйся, у́м и се́рдце твое́ моли́тве
посвятив́шая;

ра́дуйся, я́ко Христо́с по успе́нии твоём в
черто́г Сво́й тя́ всели́.

Ра́дуйся, я́ко и мо́щи твоя́ нетле́нны сохрани́,
мно́гими чуде́сы́ и исцеле́ньми к тебе́
приходя́щих обогати́;

ра́дуйся, наста́внице и́нокиням и
собесе́днице А́нгелом.

Ра́дуйся, свята́я благове́рная княги́не,
преподо́бная ма́ти А́нно.

Конда́к 12

Благода́ть и ве́лие дерзнове́ние твое́ пред
Бо́гом ве́дуще, тебе́, преподо́бная ма́ти, мо́лимся:
моли́ся о на́с ко Го́споду, да изба́вит ны́ от все́х
бе́д и напа́стей и сохрани́т и утверди́т ны́ во
святе́й ве́ре, во вся́ком благоче́стии и чистоте́,
да ти́хое и безмо́лвное жити́е поживе́м и поём
благодё́ющему тобо́ю Бо́гу: Аллилу́иа.

И́кос 12

Пою́ще твое́ прославление́, ублажа́ем тя́,
преподо́бная, я́ко многомо́щную о на́с

моли́твенницу пред Го́сподем, утѣшительницу и покрови́тельницу, и возглаша́ем ти́ си́це:

Ра́дуйся, по́двигом до́брым подвиза́вшаяся;
ра́дуйся, течéние скóрбное постóм, бдéнием и моли́твою непреста́нно соверша́вшая.

Ра́дуйся, носи́вшая на земли́ венéц терно́вый;
ра́дуйся, унасле́довавшая на Небеси́ венéц нетлénный.

Ра́дуйся, супру́жнице страстотéрпца Христо́ва;

ра́дуйся, с нím спострада́вшая и венча́вшаяся.

Ра́дуйся, моли́твами твоими́ град Ка́шин от смертоно́сныя я́звы изба́вившая;

ра́дуйся, я́ко véру к тебé несумнénную и наде́жду извѣстную в любя́щих тя́ возгре́ла еси́.

Ра́дуйся, от Го́спода все́х благо́их на́м пода́тельнице;

ра́дуйся, во все́х скóрбех и обстоя́ниих утѣшительнице.

Ра́дуйся, от вра́г ви́димых и неви́димых защи́тнице;

ра́дуйся, о нас пред Го́сподем в де́нь
пра́веднаго воздая́ния предста́тельнице.

Ра́дуйся, свята́я благове́рная княги́не,
преподо́бная ма́ти А́нно.

Конда́к 13

О преподо́бная и преблаже́нная ма́ти А́нно!
Моли́ся при́сно Христу́ Бо́гу на́шему дарова́ти
лю́дем правосла́вным на враги́ победы́ и
одоле́ние, и ми́ру умире́ние, и все́й Росси́стей
земли́ вели́кое утвержде́ние, на́м же грехо́в
оставле́ние и жити́я исправле́ние, да та́ко
Небе́снаго Ца́рствия насле́дницы бу́дем, в
ра́дости пою́ще со А́нгелы Бо́гу: Аллилу́иа.

Этот конда́к чита́ется три́жды, зате́м и́кос 1-
й и конда́к 1-й.

Моли́тва

О преподо́бная и преблаже́нная ма́ти А́нно!
Смирённо припа́дающе к честны́м мо́щем
твои́м, мо́лимся со слеза́ми приле́жно: не забу́ди
убо́гих твои́х до конца́, но помина́й нас всегда́
во святы́х твои́х и благоприя́тных моли́твах к
Бо́гу. О преблаже́нная вели́кая княги́не А́нно! Не
забу́ди присеща́ти ча́д твои́х, а́ще бо те́лом и
преста́вилася еси́ от нас, но и по сме́рти жива́
пребыва́еши и не отступа́й от нас ду́хом,

сохраня́ющи нас от стрѣл вра́жиих, вся́кия прѣлести бесо́вския и ко́зней диа́вольских. Моли́твеннице на́ша усѣрдная! Не преста́й моля́щися за ны́ ко Христу́, Бо́гу на́шему, а́ще бо моще́й твои́х ра́ка пред очима́ на́шими вы́ну ви́дима е́сть, но свята́я душа́ твоя́, со А́нгельскими во́инствами у Престо́ла Вседержи́теля предсто́ящи, досто́йно веселится́. К тебѣ́ убо припа́даем, тебѣ́ мо́лимся, тебѣ́ ми́ли ся де́ем: моли́ся, преблаже́нная А́нно, Всеми́лостивому Бо́гу на́шему о спасе́нии ду́ш на́ших, испроси́ нам вре́мя на пока́яние и невозбра́нно преи́ти от земли́ на Не́бо, мыта́рств го́рьких и ве́чныя му́ки изба́виться и Небе́сному Ца́рствию насле́дником бы́ти со все́ми преподо́бными, от ве́ка угоди́вшими Го́споду на́шему Иису́су Христу́, Ему́же сла́ва, со Безнача́льным Его́ Отце́м, и с Пресвяты́м, и Благим, и Животворя́щим Его́ Ду́хом, ны́не, и при́сно, и во ве́ки веко́в. Ами́нь.



ПОЛНЫЙ АКАФИСТНИК КАНОНИЧЕСКИЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

I

НОВОЕ
* НЕБО